

全唐文

欽定全唐文卷八百七十三目錄

陳致雍一

舉故楚武王行冊不合儀事奏

駁御史指揮習儀著冕服奏


序諸衛府折衝官例奏

雅樂奏

太廟柱壞奏

上音律奏

劾中書不許旌表吉州孝子瞿處圭等疏



定皇太妃居第喪儀狀

奏蕃國使朝見儀狀

議廢淫祀狀

奏制冠狀

議御史戴豸冠狀

奏排龍墀班狀

奏皇太弟不合立班狀

奏金吾班位狀

奏舉翰林學士不合常朝預班序並知貢日不攝

祭狀

奏繖扇制度狀

祖宗配郊位議

衛匡適男入學議

大儺議

禡牙祭議

奏郊丘從祀五方帝獻官不合拜議

正大姑小姑山神像議

乞宣所司製造繡袍橐鞬議

駁郊祀五人帝不合用匏爵議

臨軒冊封楚王不合執鎮圭議

定虞祭議

婚禮婿見外舅姑儀議

喪冠議

欽定全唐文卷八百七十三

陳致雍一

致雍莆田人仕閩爲太常卿入南唐以通禮及第除博士

遷祕書監致仕

舉故楚武王行冊不合儀事奏

右臣聞君父南面臣子北面七代之所合更凡誥誓之命使者宣行禮未安者故楚國武烈王諡冊命旣非在殯之時約禮合行於廟使升詣楹間今之廟制出神主於室內北壁下使若南面統於外神莫敢安其室若北面宣制是

欽定四庫全書
卷一百一十三
失君之位禮云時爲大順次之今旣非時受於庭宣冊
付嗣王旣君命得申於禮甚順謹具奏聞

駁御史指揮習儀著冕服奏

知班御史高燾奏無祭南北二郊獻官合習儀近日多恃
其練達不親行事自今以後仍請著冕服習儀兼儀之禮
自古無明文牒太常禮院知委者右臣得班司轉告令獻
官著冕服習儀竊以古之習士於澤宮以觀其容然後得
預祭周禮大宗伯掌大祭祀大禮謂習禮也欲其慎重敬
事神祇自漢興叔孫通列綿蕞於野以表厥位習儀之禮

其來尚矣若以紱冕徽章接神接神盛服土垠之中私相褻瀆實爲不可伏乞且遵往式以便服習儀仍下尚書省指揮議定

序諸衛府折衝官例奏

准中書刺問諸衛所管有上中下府折衝府都尉何爲上中下府謂十二衛管天下兵在外者有五百七十五府每府以人數分爲上中下等各分隸在十二衛只如左右衛有武成武安等五十府十府有折衝都尉各一員有左右果毅都尉各一員若除官則以其名額通稱曰某衛某府

都尉其餘卽可知也

雅樂奏

臣塵忝曲臺之司謬

闕

典禮之政愧其不才敢謂曠職臣

見太樂署教習奏其章句播之管絃迨二十餘年每陳設
殿庭宮懸之樂只用祭昊天郊禮出入管和均調奏之諒
其褻瀆上元塗民耳目謂臣不知矣近見勾當太樂署曹
令虔報臣今月十八日入德昌宮與禮部侍郎徐鉉偕來
聽樂非殿庭讌樂也陛下臨軒合用逐月均調讌羣臣合
用姑洗蕤賓二調歌湛露鹿鳴等章冊后日會讌則合奏

正和之樂以夷則之調餘皆用時月之律且知音審聲此
事尤難若撰樂章曲折相中合其聲調盡善盡美且乞喚
曹令問臨軒讌會樂作何聲調新譜與周詩雅句同否試
奏其樂復歌其歌詩上下抗墜曲折和否

太廟柱壞奏

臣見太廟署申十月二十七日夜元宗室鳴震及晨檢行

柱礎破裂四片棟宇如故再檢行與前狀同者臣竊見中

夏以來水潦浸溢垣牆倒壞陛下動明發之懷堯親賢修

奉

疑

此則又以見陛下虔奉祖宗非謂簡慢祭祀今廟室

鳴震柱石破裂陛下宜遵恭儉之風克守純固之業將垂
鑒誠畏敬神靈
上音律疏

臣聞羽籥干戚所以調八風也金石絲竹所以正五音也
古先哲王致人神協和彝倫攸叙者鮮不由之高皇帝再
造丕基顯登大寶修三代之禮正八佾之儀未及下章遽
命置舞童令樂師導之以節奏教之以升降特備大禮於
今二十年矣近者兵戎來侵王師出討言便宜者或以舞
童食積年之儲爲無用之具請並充用士伍以從討伐此

皆臺隸之言非聖賢之教也禮樂者國之本安可無之而
又或衣冠之子或韋布之人荷戈戟以禦戎執鼓旗而捍
寇非其能也具其數不過百十人而已加之以教習積年
成功一旦棄之後無傳者存之未必減太倉之粟廢之豈
益國家之師哉臣竊惜之仲尼曰爾愛其羊我愛其禮蓋
亦此也伏惟皇帝陛下酌聖王之盛典特降聰明

下闕

劾中書不許旌表吉州孝子瞿處圭等疏

臣竊聞中書商量不許旌表吉州孝子瞿處圭等門閭事
伏以上古之時人民淳素故可無爲而治三季澆薄無常

行或可激勸而成則旌表門閭是其旨也中書舍人張緯不知大體屢興僻論以爲鄉閭之民苟避徭役旌表則遞相倣倣止塞則永絕其源此茸吏無識者之所譚非大臣佐天子興教化之良術也且有

闕

來孝義著聞者絕鮮陛

下之德所感相繼有廬墓者三人而不以爲人化所滋翻慮其遞相倣倣若相率爲賊則實害於時相倣倣行孝又何傷於政懲惡本欲人懼賞善本欲人勸倘遞相倣倣則是陛下敦勸之有驗也如不做倣又用旌表何爲今朝野之間不義不孝者何嘗不有風俗若此正是陛下急於敦勸

之秋或小吏出此無稽之言猶大臣必須懲絕況居清切之司當顧問之地首創斯議謬莫甚焉噫爲人臣子者上有君下有親何思沮人之爲孝夫王政之基無先於學人倫之本莫大於孝去年停貢舉已沮陛下教人之爲學此時於激勸又沮陛下教人之行孝將順其美一何疎哉伏惟皇帝陛下至德感於上元廣愛刑於四海邪見詭說必不能上惑聰明臣雖不才而所務者大所思者遠恐或有一可之言是以不敢不奏

定皇太妃居第喪儀狀

昭愛宮牒請定皇太妃居第改匡智喪事左右准禮以尊
厭絕私親之服皇太妃弟體君爲尊不敢服旁親之服而
況私親乎請臨喪則素服入宮則否假內請准式謹狀

奏蕃國使朝見儀狀

右伏以九州之外蕃國來朝正朔之統不加賓客之儀有
異周禮有大行人小行人之職而總其屬卽今鴻臚四方
館之任也今月十三日占城國獻馴象使朝對列方物爲
庭實所司引進按皇唐六典及開元禮禮閣新儀合中書
侍郎詣殿西取表升奏置於香案侍中升殿承旨宣曰朕

其受之蕃使再拜以退禮部尚書出奏其國所貢方物未
審付所司侍中承旨又宣曰制可然後引方物付所司今
未見其儀狀請下禮部指揮自今以後以遵常式臣職忝
禮司合具奏舉

長冊下議廢淫祀狀

准中書省劄檢諸州城隍神封為公侯合行典禮載詳其
事甚黷彝倫且城隍之神實土地之祇光壽州奏封其祠
甚違典制皇朝令式不載前文且五嶽視三公四瀆視諸
侯在其地得祀禮其餘有功於民則祀之若城隍神無封